



Plata dla Ploania Antermëia Sant'Antone Abat

Ploan: **siur Klaus Sottsass**
E.mail: klsottsas@rolmail.net

Tel. 344 1554055

UNITÉ PASTORALA



VAL BADIA

www.unitepastorala.org

Ann B

**25.02.2024 - 03.03.2024 - Secunda domënia de
Carsëma**

n. 13

Le debojügn da cherí Chël Bel Dî

📖 Gen 22, 1–2.9a.10–13.15–18 | Rom 8, 31b–34 | Mc 9, 2–10

Dal Vangele do San Merch:

Te chël tëmp ²à Gejù tut Pire, Iaco y Jan sön na pert y i à condüt sön na gran munt, mo mâ ëi susc. Y al é gnü trasfiguré dan da sü edli; ³sü guané é gnüs blanc raiëné, tan blanc co degun lavadù söla tera n'é bun da i fà. ⁴Dailò é aparì dan da sü edli Elìa y cun ël Mosè, y ai baiâ cun Gejù. ⁵Pire ti à dit a Gejù: Maester, al é bun ch'i sun chilò. I orun fà sö trëi üties, öna por tè, öna por Mosè y öna por Elìa. ⁶Mo al ne savô nia cí ch'al se dijô, cíodich'ai ê döt amatís dala tëma. ⁷Spo é l gnü n nio che à lascè tomè süa ambria sön ëi, y fora dl nio cherdâ na usc: Chësc é mi Fi bunorü; ascutédele! ⁸Canch'ai â spo ciarè incérch, n'odöi t'en iade plü degügn pro d'ëi ater co Gejù. ⁹Tratan ch'ai jô jö dla munt, ti à l proibì de ti cuntè a zacai cí ch'ai â odü, cína che le Fi dl Om ne n'ê ressorì dai moré. ¹⁰Chësta parora ti dê da ponsè, y ai se damanâ un l'ater cí che chësc dô ester: ressorì dai moré.



ANTIFONA

Mi cör pënsa a tüa parora: Chiride mi
müs! To müs, Signur, öi chirì. No
ascogne to müs dan da mè!

📖 *Letöres dla Terza domënia de Carsëma:*
Es 20, 1–17 | 1 Cor 1, 22–25 | Jan 2, 13–25

Edema liturgica dai 25.02. ai 03.03.2024

2024	Ora	Mëssa
Secunda domënia de Carsëma 25.02.2024 <i>i recordun i tomés y pordiüs te vera Walburga, Adeltrud</i> <i>Oferta por la dlijia</i>	9:30 10:00	Staziuns (uniun dles ëres) S.Mëssa <i>Siur Klaus</i> fam. de Hilda Clara (Colac) reingraziamënt fam. Agreiter Tru + Ottilia Devall + Vijo Agreiter ++ Tille Prousch y siur Josef Zacher
LÖNESC - 26.02.2024 <i>Ulrich, Metilde, Ottokar y Adalbert</i>		<i>19.30 - S.M. a La Plí</i>
MERTESC - 27.02.2024 <i>Marchward, Iulian</i>	7:30	S.Mëssa di scolari <i>letur Barbara</i> Aniv. + Tille Prousch + Angela Prousch + Maria Clara Dapoz en onur di angeli custodi di scolari
MERCUI - 28.02.2024 <i>Roman, Silvana, Oswald, Antonia</i>		---
JÖBIA - 29.02.2024 <i>Hilarius, Giusto</i>		<i>7.30 - S.Mëssa a Rina</i>
VËNDRES - 01.03.2024 <i>De mondial d'oraziun dles Eres Albin, Davide, Teresa</i>	16:30! 17:00	Adoraziun dl 1. vëndres Staziuns
SABEDA - 02.03.2024 <i>Agnese da Prag, Ines, beat Carlo</i>		<i>7.30 S.Messa a La Pli</i> <i>18.00 S.Messa prefestiva a Al Plan</i>
Terza domënia de Carsëma - 03.03.2024 <i>De dla solidarieté / Cunigunda, Tobia, Friedrich</i> De dla creaziun y Oferta por l KVW	9:30 10:00	Staziuns <i>por la defunta Clara</i> S.Mëssa <i>Don Juriy</i> 2. de sopoltöra + Clara Winkler Prousch Aniv. + Giovanni Clara + Emilio Tasser + Emilia Tasser ++ Honnes y Maria Zingerle

Mësses a San Martin:

Dom 10.00 Dedol 8.00 Jöb 18.30 Sab 18.30 Dom 10.00 (lit. parora)



Informaziuns y terminns

Ai 1 de merz, él le **Dé Mondial de Oraziun dles Ères**. Chiló Antermëia vëgn le de recordé tratan la mëssa dla domënia di **10.03.2024** cun oferta che vá a sostigní proiec dles ères dla Palestina.

Iscriziuns “online” ala Scora de musiga por l’ann ann de scora 2024/2025 - Les iscriziuns ales Scores de musiga dla Provinzia vëgn fates “online” dai 01.03.2024 cina ai 31.03.2024 tres le sorvise dl’aministrazion provinziála “myCivis” <https://civis.bz.it/einschreibung-musikschule> . L’azes al sorvise online vá tres SPID, CIE (cherta d’identité eletrónica) o cun la “cherta di sorvise” ativada. Informaziuns plü avisa www.musikschule.it - Secretariat Scora de musiga La Ila: Tel. 0471/847748.

L’Comun dëida recordé che la **cumpëda di grups linguistics** é de gran importanza por definí le proporz di grups linguistics te Südtirol. La detlaraziun mëss gní dada jö da vigni zitadin/zitadina che â ai 30.09.2023 la zitadinanza taliana y la residënza te Südtirol. ONLINE pó la cumpëda ma plü gní fata cina en jöbia ai 29.02.2024 tres le SPID, la cherta di sorvise CNS o la cherta d’identité eletrónica CIE sön le sito: <https://www.censimento-linguistico.provincia.bz.it/> I geniturs pó dé jö la detlaraziun ince por i mituns/les mitans sot ai 18 agn tres so SPID/CIE/CNS, i mituns/les mitans danter i 14 y 17 agn á ciagé n codesc dal ASTAT y pó insciö, tres SPID/CIE/CNS di geniturs, dé jö instësc süa detlaraziun. Por ciagé le SPID o la CIE o ativé la CNS pon jí te comun. Do chësta data messará vigni porsona che ne á nia tut pert ala cumpëda online gní contatada da n relevadú y dé jö la detlaraziun sön papier.

La Uniun Ladins Val Badia inviëia ala presentaziun dl liber “Sciöch’i sun vái bun” en mertesc ai 27 de forá dales 16.00 tl Zënter cultural “Saj.un” a La Ila.

	27.02.2024	Toni – Raphael R.
	03.03.2024	Karol – Thomas – Alexia - Magdalena
	03.03.2024	Martina Dejaco

Impressum:

Comunicaziuns:

Download:

Ploania Antermëia - redaziun Carlo Piazza
cina la jöbia sëra a carlo.piazza@hotmail.com | o tel. 3803520465
www.unitepastorala.org | www.comun.sanmartindetor.bz.it



Dé Mondial de Oraziun dles Ères

Le donne cristiane della Palestina ci invitano a connetterci con la terra di Gesù, dove è nato, dove ha predicato, dove è morto, e dove ha inizio la nostra fede comune. Nonostante le donne palestinesi vivano in una zona di conflitto dove non c'è nessuna certezza, nessuna sicurezza per il loro futuro, ci mandano un messaggio di speranza: loro sono lì, vogliono condividere il loro ottimismo con noi. Il tema "Vi prego ... sopportatevi l'un l'altro con amore" sembra scritto appositamente per queste donne che non smettono di testimoniare l'amore di Gesù Cristo.



GEBETSMEINUNG
DES PAPSTES FÜR

März

I periun che chi che mët al prigo ti
desvalis posc dl monn süa vita por le
vangele, ti taches ala dlijia só coraje y só
entusiasm por les misciuns.



Por i apostui é l'aventöra dla trasfiguraziun y les parores de Gejú n gran punt de domanda. Mo impó ti vëgnel mostré y de la tlé, cun chëra che ai capiará n bel de le significat dla porsona y dla storia de Gejú. Sön la piza ne poi nia ste, deache dailó n'è nia la saradöra che passenëia pro chësta tlé. Dailó mëssi indô gní jö tla val, cun Gejú fora por la val dla pasciun, la val dla crusc y dla mort. Pormó dailó passenëia tla noela dla ressureziun tlé y saradöra adöm. (*image*)